



Broj: 01-50-1-15-56/09.

Sarajevo, 25. juna 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH održao je 56. sjednicu u srijedu, 24. juna 2009.
Uz ostale, na sjednici su razmatrani i materijali koji su u nadležnosti i Doma naroda, kako slijedi:

1. Zahtjev Vijeća ministara BiH za razmatranje Prijedloga zakona o izmjenama i dopunama Zakona o plaćama i naknadama u institucijama BiH po hitnom postupku, u skladu s članom 127. Poslovnika
2. Prijedlog zakona o izmjeni Zakona o ministarstvima i drugim organima uprave BiH (drugo čitanje);
3. Prijedlog zakona o izmjenama i dopunama Zakona o konkurenciji (drugo čitanje);
4. Izvještaj komisije Kolegija o nastojanju za postizanje saglasnosti o Prijedlogu zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje);
5. Prijedlog odluke o izmjeni Odluke o osnivanju Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku);
6. Prijedlog odluke o dopuni Odluke o imenovanju članova Vijeća nacionalnih manjina BiH (predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku);
7. Godišnja platforma o sigurnosno-obavještajnoj politici (podnosilac: Predsjedništvo BiH);
8. Izvještaj revizije učinka o temi: Proces zapošljavanja državnih službenika u institucijama BiH, (podnosilac: Ured za reviziju institucija BiH);
9. Konačan prijedlog autentičnog tumačenja člana 185. stav (1) Zakona o službi u Oružanim snagama BiH („Službeni glasnik BiH“, br. 88/05);
10. Imenovanje tri člana u Zajedničku komisiju oba doma radi usaglašavanja teksta Zakona o izmjenama i dopunama Zakona o graničnoj policiji BiH;
11. Davanje saglasnosti za ratifikaciju:
 - a) Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala.

Ad. 1.

Predstavnički dom nije usvojio zahtjev Vijeća ministara BiH da se po hitnom postupku razmatra Prijedlog zakona o izmjenama i dopunama Zakona o plaćama i naknadama u institucijama BiH. U skladu s Poslovníkom, Dom je odlučio da se Prijedlog ovog zakona razmatra po skraćenoj proceduri, u skladu s članom 126. Poslovnika Predstavničkog doma.

Ad – 2.

Predstavnički dom je u predloženom tekstu u drugom čitanju usvojio Zakon o izmjeni Zakona o ministarstvima i drugim organima uprave BiH.

Ad – 3.

Zakon o izmjenama i dopunama Zakona o konkurenciji usvojen je u drugom čitanju sa sljedećim amandmanima:

Amandman 1.

U svim članovima Zakona o izmjenama i dopunama Zakona o konkurenciji od člana 1. zaključno s čl. 24. brišu se nazivi tih članova.

Amandman 2. (na član 7. Prijedloga zakona o izmjenama i dopunama Zakona o konkurenciji)

U članu 11. stav (3) Zakona o konkurenciji (koji ovim izmjenama postaje stavom 2.) iza riječi „smatra se da“ dodaje se riječ „se“.

U stavu (4) istog člana (koji ovim izmjenama postaje stavom (3) u trećem redu, iza riječi „ne zloupotrebljava“ riječ „se“ briše se.

Amandman 3. (na član 8. Prijedloga zakona o izmjenama i dopunama Zakona o konkurenciji)

U članu 14. stav (1) Zakona o konkurenciji riječ „Namjeravanu“ briše se, a ostali dio teksta ostaje nepromijenjen.

U istom članu, u stavu (1) tačka b) iznos „5.000.000 KM“ zamjenjuje se iznosom „2.000.000 KM“.

Amandman 4. (na član 10)

U članu 10. stav (1) Zakona o izmjenama i dopunama Zakona o konkurenciji iza riječi „ovog Zakona“ stavlja se tačka, a ostali dio teksta briše se.

Amandman 5. (na član 12. Prijedloga zakona o izmjenama i dopunama Zakona o konkurenciji)

U stavu (9) Zakona o konkurenciji (koji ovim izmjenama postaje stavom (10) broj (8) zamjenjuje se brojem (9).

Amandman 6. (na član 14. Prijedloga zakona o izmjenama i dopunama Zakona o konkurenciji)

Stav prvi Prijedloga zakona o izmjenama i dopunama Zakona o konkurenciji mijenja se i glasi:

„U članu 30. naslov člana mijenja se tako da glasi „**(Dokumentacija uz prijavu koncentracije)**“

Ad. 4.

U drugom krugu glasanja usvojen je u drugom čitanju zakon o kontroli vanjskotrgovinskog prometa robe i usluga od strateške važnosti za sigurnost Bosne i Hercegovine, sa jednim amandmanom koji je usvojila nadležna komisija, a koji glasi:

U članu 20. stav (3) mijenja se i glasi:

„(3) Ako Ministarstvo vanjskih poslova ima saznanje da je jedna od država učesnica OEBS-a odbila izdavanje isprave za sličan vanjskotrgovinski promet tokom prethodne tri godine, Ministarstvo vanjskih poslova će, prije izdavanja saglasnosti u skladu sa ovim zakonom, konsultirati državu koja je odbila izdavanje isprave.“

Ad. 5.

Usvojena je Odluka o izmjeni Odluke o osnivanju Vijeća nacionalnih manjina BiH, predlađač: Zajednička komisija za ljudska prava, prava djeteta, mlade, imigraciju, izbjeglice, azil i etiku.

Ad. 6.

Usvojena je Odluka o dopuni Odluke o imenovanju članova Vijeća nacionalnih manjina BiH, predlađač: Zajednička komisija za ljudska prava, prava djeteta, mlade, imigraciju, izbjeglice, azil i etiku, kojom je Hidajeta Redžić imenovana za člana Vijeća nacionalnih manjina BiH na period od stupanja na snagu ove odluke do 30. 4. 2010., a Neđeljko Tomašević na period od 1. 5. 2010. do trajanja mandata poslanicima u ovom sazivu Parlamentarne skupštine BiH.

Ad. 7.

Predstavnički dom usvojio je Godišnju platformu o sigurnosno-obavještajnoj politici s dopunom koju je usvojila nadležna Zajednička komisija za nadzor nad radom Obavještajno-sigurnosne agencije BiH, koja glasi:

U Glavi III 3. TERORIZAM i RADIKALNA DJELOVANJA u podnaslovu RADIKALNA DJELOVANJA u trećem redu iza riječi "na" stavljaju se dvije tačke i dodaju riječi: "djelovanje protiv države Bosne i Hercegovine".

Također je, na prijedlog iz rasprave, Predstavnički dom usvojio sljedeći zaključak:

Na osnovu člana 2. Zakona o izmjenama i dopunama Zakona o Obavještajno-sigurnosnoj agenciji BiH, traži se od Vijeća ministara BiH a sugerira se Predsjedništvu BiH da Platformu o obavještajno-sigurnosnoj politici za 2010. godinu u parlamentarnu proceduru dostave najkasnije do 1.11. 2009.

Ad. 8.

Predstavnički dom usvojio je Izvještaj revizije učinka o temi: Proces zapošljavanja državnih službenika u institucijama BiH, sa zaključcima koje je predložila nadležna komisija, a koji glase:

1. Zadužuje se Vijeće ministara BiH da:
 - a) kroz pilot-projekte razmotri sistem zapošljavanja, utvrdi eventualne nedostatke i predloži adekvatne izmjene;
 - b) raspravlja o Izvještaju revizije učinka i o zauzetim stavovima informira Parlamentarnu skupštinu BiH, te dostavi analizu zaposlenosti u institucijama BiH, s posebnim osvrtom na ukupan broj zaposlenih, nacionalnu strukturu i njihovu stručnu osposobljenost;
2. Zadužuje se Agencija za državnu službu BiH (u daljnjem tekstu: Agencija) da:
 - a) Vijeću ministara BiH osigura i dostavi potpune informacije o sistemu zapošljavanja i sadašnjem načinu njegovog funkcioniranja, te postojećim problemima neefikasnosti tog procesa u pojedinim njegovim fazama (blagovremenost, priprema oglasa i imenovanje komisija za izbor);
 - b) uspostavi odgovarajući sistem informiranja i komunikacije sa institucijama koje vrše zapošljavanje;
 - c) kroz raspoložive vidove komunikacije sa institucijama BiH koje vrše zapošljavanje pribavlja jasne informacije o uslovima i zahtjevima predmetnog zapošljavanja neophodne za pripremu oglasa i imenovanje članova komisije u Agenciji;
 - d) uspostavi bazu podataka s adekvatnim informacijama o sistemu zapošljavanja i načinu na koji sistem funkcionira, uključujući različite pojedine faze kao i različite kategorije upražnjenih radnih mjesta, pri čemu Agencija ne bi trebalo da bude odgovorna za provođenje ovih aktivnosti;
3. Zadužuju se institucije BiH koje vrše zapošljavanje novih kadrova da:
 - a) s Agencijom uspostave odgovarajući sistem razmjene informacija;

- b) u procese zapošljavanja aktivnije uključe menadžment;
 - c) realno planiraju zapošljavanje državnih službenika u skladu sa svojim internim pravilnicima i odobrenom budžetskom stavkom za tu svrhu;
 - d) budžet planiraju na osnovu realnih parametara, kao što su jasni ciljevi i aktivnosti i njihova realizacija s rokovima izvršenja, i stvarne potrebe za materijalnim resursima i ljudskim potencijalima za ispunjavanje utvrđenih ciljeva.
4. Zadužuje se Ministarstvo finansija i trezora BiH da insistira kod budžetskih korisnika da, prilikom podnošenja prijedloga zahtjeva za finansiranje, obavezno dostave plan rada i poslovanja, sve s ciljem praćenja realizacije Plana rada i poslovanja i opravdanja traženih sredstava.

Na prijedlog iz rasprave usvojen je i sljedeći zaključak:

Zadužuje se Ured za reviziju institucija BiH da u roku od šest mjeseci Predstavničkom domu dostavi izvještaj o realizaciji njihovih preporuka, kao i preporuka Parlamentarne skupštine BiH.

Ad. 9.

Predstanički dom je, na prijedlog Ustavnopravne komisije, usvojio autentično tumačenje člana 185. stav (1) Zakona o službi u Oružanim snagama BiH („Službeni glasnik BiH“, br. 88/05).

Ad. 10.

U Zajedničku komisiju oba doma, radi usaglašavanja teksta Zakona o izmjenama i dopunama Zakona o graničnoj policiji BiH, iz ovog doma imenovani su: Velimir Jukić, Adem Huskić i Željko Kuzmanović.

Ad. 11.

Dom je dao saglasnost za ratifikaciju Sporazuma između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala.

Radi informiranja, obavještavamo Vas da je:

- potvrđena Odluka predsjedavajućeg Vijeća ministara BiH o imenovanju Rude Vidovića za ministra komunikacija i prometa BiH i
- za člana Zajedničke komisije za ljudska prava, prava djeteta, mlade, imigraciju, izbjeglice, azil i etiku imenovan Rifat Dolić umjesto Sefera Halilovića, koji je podnio ostavku na mjesto člana ove komisije.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić